



FRATRI SUO DILECTISSIMO  
TROUILLON,  
CANONICO COLLEGIALIS MONSMORILLONENSIS,  
SUB INVOCATIONE SANCTÆ MARIE,  
IN PUBLICUM GRATITUDINIS ET AMICITIÆ MONUMENTUM,  
VOVET ET CONSECRAT  
L. LUDOVICUS TROUILLON DUBRUEIL.

*TENTAMEN*  
THERAPEUTICUM  
DE RATIONE VICTUS IN ACUTIS,

QUOD Deo duce & auspice Dei-parâ, in Augustissimo Lu-  
dovico Medico Monspeliensi, tueri conabitur,  
AUCTOR,

LAURENTIUS-LUDOVICUS TROUILLON DUBREUIL, ex urbe  
Monsmorillonensi apud Pictavos, Artium Liberalium Ma-  
gister, & jandudum Medicinæ Alumnus. die mensis Fe-  
bruarii anni 1775.

*Pro Baccalaureatûs gradu consequendo.*

I.

INTER partes Medicinæ, diætetica primas omnium tenet, & olim  
etiam maximi semper habita fuit, artisque certitudinem in aver-  
tendis morbis demonstrat, cum longe expeditius sit, corpus à morbis  
deffendere, quam illud corruptum & vitiosum restituere. Majoris aduc



momenti est diæta in acutis ; sufficit enim sæpissime , ad morbos profligandos. Sic censuerunt multi ex antiquis , & neotericis. Imprimis ex antiquis Hyppocrates & Celsus cujus hæc sunt verba , *cibus oportune datus, optimum est febris medicamentum.* Ex Neotericis Vallesius (1) & Duretus & primus , ait certe multo plures liberentur , cum bono victu reliqua curatione dimissa , quam curatione suscepta sine victu bono. Duretus (2) inquit , in medendo nullus feracior locus est neque utilior quam de diæta , quæ ipsa sufficit ad morborum bonitate naturæ triumphatorum curationem , inconsideratè autem præscripta , morbos alioqui sanabiles , efficit insanabiles. Glas (3) Medicos culpatur , quod victus rationem in acutis negligant. Hæc autem Medicinæ pars , inquit , quæ victu morbos curat , haud ea qua debuit diligentia , ab hominibus qui veterum disciplinam neglexerunt , agitur ; hi vel maximam partem eundem cibum omnibus febricitantibus concedunt , vel nil forte in hac re nisi abstinentiam à victu crassiore , præcipiunt ; totamque victus rationem aniculæ permittunt.

## II.

His dictis jam ad rem venio. Sæt inter se conveniunt antiqui & novi Medici , diætam tenuem , necessariam esse acutè febricitantibus. Nullus enim petronæ victus rationem recipiet ; carnes assas administrans , vinumque nigrum in his qui acuta laborant febre ; neque in tanta fiti , ita temperans ut cotulæ aquæ vigesimam partem porrigeret. At discrepant inter se Auctores , cum de selectu alimentorum agitur. Alii enim pro ptisana hordeacea , alii pro jusculis contendunt ; alii etiam utrumque indifferenter concedunt. Quosdam tantum nominare sæt erit. Hippocrates ptisanam hordeaceam , omni alimento præferebat (4) Sic ait , ptisana aliis eduliis rectè prælata esse videtur in morbis acutis ; & laudo sane eos qui eam prætulerunt. Nam viscositas ejus levis est , & continua , & jucunda , & lubrica , & moderate humida &c. manardus juscula ptisanæ anteponebat ; & levi sane ratione (5) ; experientia ipsa ait , comperi paucos admodum esse , qui nostro tempore ptisanam norint rectè parare : & propter ea scripsi inter reliquas rationes , & hanc me monere , ut ea non uterer. Ex eo Cardanus violenter eum increpavit , dicens plus longe utilitatis leonicenus , & nisi vereretur adulationis mihi tamen incogniti suspicionem , brassavolus , quam

(1) Valles. Commentaria in Hipp. librum de diæt. in acutis pag. 8.

(2) Duretus Comm. de ratione vic. in acutis pag. 6.

(3) Glas. de victus ratione Comment. 5. pag. 57.

(4) Hipp. de victus ratione in acutis , pag. 418.

(5) Joan. Manardus lib. 17. epit. 1. pag. 62.



manardus hominibus detrimenti attulerint (1). Tandem Vallesius, concedit & ptisanam & juscula (2). & sic ait quivis Medicus tribuet ptisanam hordeaceam febricitantibus, potius quam triticeam. Non proinde tamen deterius exhibetur jus gallinæ aut pulli. Vegetabilia omnino decoctis animalium, mihi anteponenda videntur. 1°. Ptisana Hippocratis, multas acutorum indicationes simul adimplet, dum juscula sæpe nocent. Quod probatur observatione Hoffmanni (3). Sic observatum inquit sæpius in acutis & malignis est, juscula alimentosa & substantifica, nondum satis vis morbi labefacta, noxia fuisse, naturamque victam, & mortuos ægros &c. 2°. Ptisana hordeacea demulcet, muilaginosa enim est. 3°. Siticulosis, sitim sedat; decocta animalium contra, sitim adaugent. 4°. Putrefactioni adversatur; juscula ad putrefactionem tendunt. Demonstratur enim exprimentis Pringlii, (4) & Macbridi (5) vegetabilia ad acescentiam, animalia ad putrefactionem vergere. Proprietas autem illa maximi est momenti, in febribus acutis, & imprimis in putridis, & malignis, & in omnibus inflammationibus. His sane ductus rationibus Gorter dixit (6). Miror pervetstatem multorum, qui in omnibus febribus, non dubitant dare decocta carnis, quoniam in corporibus à febre calentibus, cito in putrilaginem convertuntur. 5°. Facilioris est digestionis; decoctis animalium quod constat observatione D. Cullen (7), vis stimulans inquit, cibi animalis, motum febrilem digestionis intendit longe vehementius, quam victus vegetabilis. Unde ex prædictis inquit D. Barthez (8), apparet; quam vitiose & imperfecte consideratis causis digestionis, Galenus censuerit, quod cibi animales multo leviori labore digestionis, in cruorem transmutentur, quam panis & olera: atque recens in eandem sententiam iverit Barry, arbitratus victum vegetabilem minime idoneum esse hominibus quorum infirma est valetudo. 7°. Denique multo facilius ægrotantibus sumitur ptisana quam jusculum quod in morbis non est negligendum. Anteponenda est igitur ptisana hordeacea decoctis animalium. Ptisanam quoque Hyppocratis omni alimento anteponebat Aretæus (9). Sic ait proinde Cibariis om-

---

(1) Hier. Cardanus contradic. medic. lib. 2. tract. 6us. contrad. 5a. aqua hordei an in morbis conveniat. pag. 373.

(2) Vallesius Comm. in lib. Hipp. de rat. vic. in morb. acut. pag. 18.

(3) Frid. Hoff. diff. de medic. prudenti applicatione, in tempore pag. 277.

(4) Pring. traité sur les substan. septiques & antiseptiques. (1)

(5) Macbride essais d'expériences.

(6) Gorter. Medic. Hipp. pag. 27.

(7) Cullen. apud D. Barthez Nova Doctrina pag. 10.

(8) Barthez eodem loco supra cit.

(9) Aretæus de curatione morb. acuto. lib. 1. cap. 10. pag. 173.



nibus ptisana anteponatur ; quippe humectare , calefacere , pituitam solvere , & detergere per superiora sine molestia , quaecumque evocanda sunt, evocare, facile quoque ventrem ducere, sola ptisana potest. Lommius agit, an qui Græcis febricitantibus convenit ex ptisana cibis, nostris regionibus etiam conveniat ; is negat. At Sydenhamus febre acuta laborantes jusculis avenaceis & hordeaceis commode sustineri posse experientia comprobavit. Si quidem regio Anglicana, Gallia frigidior, pleniorum victum postulare. Ptisana Hippocratis cum hordeo conficitur. Hordeum tritico anteponendum esse demonstravit Beccharius (1). In tritico enim adest pars glutinosa, materiae animalis quam analogua, quæ in hordeum non reperitur. Facili labore demonstratur existentia materiae glutinosæ in tritico. Pasta ex tritici farina, à furfuribus quam repurgata componitur ; pasta illa, manibus contrectanda & subigenda, sub leni aquæ fluente, usque dum aqua perfecte limpida exeat. Quo facto remanet substantia mollis, admodum tenax, omnis fere odoris & saporis expers, & aqua prorsus insolubilis. Pars illa gluten vocatur. Altera autem pars tritici, quam secum aufert aqua, cujusque interpositione lacteo colore tingitur, amyllum nominatur. Substantia illa sola subsidentia ab aqua separatur. In nullis ex farinosis, si zeam seu spaltam (2) excipiatur, corpus illud glutinosum reperitur. Gluten tritici distillatum, animalium producta non vegetabilium dat, spiritum nempe urinosum, olea, & salis alcalini tantam copiam, quanta ex pari pondere cornu cervi solet prodire. Idem gluten aceto resolvitur, & in mucaginem seu mucum aqua facile solubilem mutatur. His experimentis demonstratur analogia, inter corpus illud & producta animalia. Albumen enim ovi, sic acidis vegetabilibus tractatum, in gelatinam, seu corpus mucosum quod idem est, convertitur. Quanta autem sit analogia inter albumen ovi & serum sanguinis notum est. Hanc factitiam mucaginis speciem (nempe ex glutine tritici,) quæ varia est pro varia acidis & glutinosi proportionem, diligenter exsiccatam, in alteram tritici substantiam, scilicet amylaceam, transire asserit Kessel Meyer (3). Hinc concludi potest acido tantum amyllum & gluten differre. Sed id ad me non pertinet. Ad ptisanæ confectionem, hordeum vulgare (multas alias species hordeorum, ptisanæ componendæ aptas nominat Dioscorides) novum,

(1) Beccharius. Comm. Bonon. tom. 2. part. 1.

(2) Male igitur, Plinius loquens de ptisana Hipp. adjecit, nunc in alicam omnes transeunt, etenim multo innocentior est ptisana. (Alica autem ex filigine zeæ torrefactæ conficitur.) Plinius. hist. natur. lib. vig. sec. pag. 521

(3) Kessel Meyer. dissert. de parte nutritiva vegetabilium.



quod facile coquatur sumendum est. Modus autem eam parandi, sic (1) Galleno indicatur. Primo hordeum crude in aqua macerato, deinde manibus adeo terito, ut tenuis membrana conspiciatur. Posthæc iterum manibus ea tenuis scilicet valenter conterito, ut quodcumque glumofum excutiat. Sed hodie molendinorum ope longe commodius perficitur hæc præparatio; & tunc à cortice liberum hordei granum vocatur depuratum, vel excorticatum in officinis. Una pars hordei sic præparati concoquitur viginti partibus aquæ, donec aquæ dimidia pars plus minus assumpta fuerit. Certior est tamen inquit (2). Thriv. Comm. decoquere donec in lentorem continuum & æqualem evaserit. Saccharum adjicitur ut jucundior sit ægroto. Cremor tartari vel nitrum si refrigerandi est indicatio adjici possunt. Oryza (3) & avena (4) loco hordei, ex ægri voluntate adhiberi possunt. At semper lentor manet ptisanæ Hippocratis, ventriculumque & intestina flatibus molestare incusatur; id vero de omnibus farinosis non fermentatis dici potest. Facile autem evitari potest hoc damnum, hordeum germinatum in usum ducendo. Hæc præparatio sic perficitur, hordei grana, aqua respersa, in tepido loco servanda sunt, usque dum germinare incipiant, tunc clibani ope illico siccentur, suffocetur incepta germinatio. In hac præparatione saccharinam indolem sapore blando & dulci manifestam adipiscitur farina: hæc sapam largitur qua vegetabilia loco sacchari aut mellis, non adeo tamen durabili connubio condiuntur. Referente D. Crantz (5). Lentor farinæ adeo attenuatur germinatione, ut grana germinata, in crassam farinam redacta, & in aqua cocta, non amplius turbidum & viscidum decoctum propinent, sed fragantem & limpidum. Magis adhuc evidens est actio germinationis super triticum, eodem enim modo tractatum, (ac supra diximus de hordeo): nullum amplius in ore glutinis vestigium exhibet; (quod ante ut notum est exhibebat) sed totum in saliva molliter liquefit, penitusque aqua æstuantem solvitur. En parandi ptisanam methodus facilis; nulli est igitur momenti Manardi (6). Ratio, nempe inquit, quibus danda esset, vix hoc tempore dari potest, quandoquidem nec hordeum habemus ad eam conficiendam, nec coquos qui recte parare norint. At

(1) Gallenus lib. de ptisana pag. 182.

(2) Thriv. Comm. in Hipp. de rat. vic. in morb. acut. pag. 23.

(3) Jucundius est palato cremor oryzæ, isque nunc fere semper in usum ducitur.

(4) Avena variaque ejus parata semper aliquid injucundi & subamari habent.

(5) Crantz materia medica.

(6) Joan Manar. loco citato.



tamen non tam rigide, ptisanæ administrationi insistendum est, ut non aliquid consuetudini, forte etiam præjudicio concedatur. Si autem juscula dantur, tunc acidis vegetabilibus vel etiam spiritibus acidorum mineralium alteranda sunt. Acetosa, indivia, lactuca vel aliæ plantarum species ex indicationibus jusculis incoquendæ quoque sunt.

### III.

Nimium regiones & individua inter se discrepant ut aliquid certi de quantitate alimentorum, cuique ægroto necessaria dicere possim. Variat & etiam multum modus nutriendi ægros. Ad variationem illam probandam, duo tantum exempla seligam. Primus ex Poterio (1) hic inquit, (Bononiæ) lac, panata, cum jusculo carnis & ova forbilia, cibi sunt quibus utuntur febricitantes, potus est, aqua cocta, vinum granatorum, cerasorum vel conserva cum aqua citri acidi, succo limonum & saccharo. Pomum & pyrum coctum non raro concedunt. Alterum ex Petro de Rotundis Medico Romano, de victu in febre acuta loquitur. (2) Victum sic ordinato inquit, primo mane jus præbeto, quod ad vires respectet, ternis inde horis ficitati & siti obviam ito, exhibita aqua, sive ptisana, sub meridiem, dato sorbitionem, (sorbitione est ptisana Hippocratis transcolata.) Ternis alteris à sorbitione horis, iterum dato potum; bihorio post jusculum, hora cenæ, sorbitionem alteram: tribus post horis potum; hic sane largiusculum, quo somnus alliciatur. Quantitas alimentorum in duobus exemplis supracitatis præscripta, magis higienæ quam therapie, pertinere mihi videtur. Illud igitur tantum dicam & regioni & individuo & consuetudini attendendum esse. Voraci enim homini, & cujus vires digestivæ vigent, major alimentorum quantitas, quam temperanti & debili administranda est.

Ut rite igitur instituaturs victus in acutorum initio; conjectandum est unius cujusque morbi modus & hominis natura & consuetudo victus ægri, non ciborum solum, sed etiam potuum. Conjectandum insuper an morbus longus, an brevis erit. Morbum brevem designant signa coctionis, initio apparentia. Ut v. g. sedimentum album, tenue, & æquale; vel etiam enæorema in urinis, sputum facile, & coctum in morbis pectoris. &c. Longum morbum contraria signa declarant. Nempe urinæ intense rubræ, tenues, claræ, spumosæ; in morbis pectoris sputum nullum, sudores frigidi, exigui, vel nulli vel partiales. &c. Quibus omnibus rite inter se comparatis, quo brevior futurus est morbus, eo tenuior victus, quo vero longior eo crassior imperandus est. Ex alimentorum defectu

(1) Poterius de febribus lib. 2. apud Frid. Hoff. pag. 357.

(2) Petr. de Rotundis. de rat. vic. in febre acu. cont. pag. 32 & 33.



inquit, Gorter. (1) In morbis vires cadunt ; ex excessu supprimuntur. Satius est tamen excessu quam defectu peccare, in alimentorum exhibitione, ne cum omnia alimenta subtrahere melius esset, tunc nutrire necessarium sit : detractionem omnino tollere, ait Hippo. sæpe conducit, ubi suffecturus est æger donec morbi vigor maturescat Hipp. loco cit. pag. 42. Illud in primis observandum est ; ut progressio in alimentorum exhibitione sit semper à pleniore ad tenuiorem. Ita ut initio crassiolem, in incremento sensim minus crassum, denique in vigore tenuiorem concedamus. Lommius (2) non omnino sic censuit, si prima septimana inquit, resolutum iri morbum verosimile est, nec vires defunt, diebus duobus continentissime æger habendus est, & dein ad crassiolem descendendum : at non omnibus punctis absoluta mihi videtur praxis illa. Dum enim vigent vires ægri, nutriendum est, ut æger vim morbi sustinere possit. In principiis autem morborum magis vigent vires, quam procedente morbo. At tamen si nuper pasto, & alvi onere haud quaquam purgato, febris vel cum dolore, vel sine dolore incipit, à sorbitione tantisper temperandum, donec cibum descendisse conjectum fuerit : et clistere ducendus est alvus, ante sorbitionis exhibitionem. Etenim ait Hippocrates ; (3) quibus cibus intus conclusa est, si quis non facta deorsum evacuatione sorbitionem dederit, dolorem si adest amplius exacerbaverit ; si non adest statim induxerit ; & spiritus densior fiet. Asclepiades ubi ægrum triduo per omnia fatigarat, quarto die cibo destinabat. Themison, non quando cœpisset febris, sed quando desisset, aut certe levata esset, considerabat, & tunc cibum dabat. Non nova fuit in medicina methodus illa. Sui enim temporis thessalicos medicos de hac re increpat Hippocrates. (4) Novi inquit medicos maxime contraria facere, his quæ fieri oportebat. Omnes enim volunt ubi sub morborum initia homines fame præmacerarunt, duobus, aut tribus, aut etiam pluribus diebus, sic sorbitiones exhibere, Itemque potus : & paulo ante, melius esse assero, statim incipere sorbere, quam præevacuatis jam vasis sorbere auspicari, aut tertia, aut quarta, aut quinta, aut sexta, aut septima die. His duobus fragmentis demonstratur, non novam fuisse methodum Asclepiadis. Sufficit ad hujus methodi refutationem divi coi verba retulisse. Febre acuta laborantes debent igitur initio nutriri, ut vigorem morbi sustinere possint, cum parca quantitate alimentorum. Facile nosci-

---

(1) Gorter Medic. Hipp. pag. 17.

(2) Lomm. de curan. feb. cont. pag. 90.

(3) Hipp. lib. de vic. ra. in morb. acut. pag. 419.

(4) Hipp. eod. loc. sup. cita. pag. 421.



tur in morbis epidemicis, morbi vigorem, observatione symptomatum, quamque periodum epidemici morbi concomitantium. Difficilius est, hanc prognosim instituere in morbis sporadicis; ut rite instituatur. Observandum est, quinam sit incessus assuetus hujus morbi; observandæ sunt exacerbationes, an ultima antecedentis sit intensior. Et dein observanda sunt signa coctionis. In morbis autem qui sua tempora in spatio duarum vel trium dierum percurrunt, noscitur summa esse omnia, si adeo intensa sunt symptomata ut exacerbari non possint quin æger moriatur. Tunc nempe in summo statu morbi alimentorum parca quantitas propinetur. Cum enim sævissima symptomata vigent inquit fernelius (1) & natura in morbi coctione tota incumbit, alio avertenda non est, neque plenioris cibi coctione distrahenda. Et cachetus, (2) extremis morbis, extremæ sunt medicationes adhibendæ; cum morbus acutus, in statu est, extremus est, extremam itaque medicationem & per consequens extreme tenuissimum victum exigit. Sed statim post morbi judicationem, ad crassiora redeundum est alimenta. Galenus (3) tamen dixit, tutum esse etiam si morbus judicatus fuerit, ad duos usque dies, diligentem victus rationem, qua æger usus fuit, servare. At regula illa non est semper tuta; vidit enim sydenhamius, (4) hominem hypocondriacum ob evacuationes immoderatas, & diætam exactiorem post morbi judicationem. Acceffebar aliquando, inquit, ad virum tam ingenio; quam genere nobilem, qui non nisi paucis diebus à febre convaluerat. Alterius medici consilio usus, qui & sanguinem detraxerat, & pharmacum catharticum ter exhibuerat, tum etiam carnibus interdixerat; huic ubi vestitum conspexerim, & de rebus quibus libet cum judicio differentem audiverim, rogabam quorsum me conveniret, respondit familiaris quidam ejus, modo expectarem paulisper, res ipsa loqueretur; confidens itaque, & sermones cum ægroto trahens, mox observavi labrum inferius protrudicum motitatione crebra, & exinde ægrum in tantas solvi lachrymas; quantas vix alias vidi unquam, cum gemitu ac suspiriis tantum non convulsivis. Qui tamen repentinus torrens non ita multo post detumuit prorsus. Pendere existimabam, inquit auctor, partim ab exanitione & abstinencia à carnibus, quam etiam ad dies aliquot postea quam convaluerat, imperaverat medicus, quo

---

(1) Fernelius lib. 1<sup>o</sup>. method. med. pag. 28.

(2) Chris. Cachetus. contr. thæore. prac. in primam aphor. Hipp. sec. pag. 539.

(3) Galenus in lib. Hipp. de vic. rat. in acut. com. 1. pag. 604.

(4) Sydenh. Diff. epis. de affec. hist. pag. 264.



eum à recidiva præstaret securiorem. Exhibitione alimentorum eum sanavit Sydenhamius. Post judicationem ergo alimenta magis nutri-entia ægris propinanda sunt; observata tamen ea regula ut à minus crassis ad crassiora procedamus. Repentinis enim mutationibus offenditur corpus. Etenim ait Hollerius, (1) præter vim morbi à quo plurimum divexantur repentina victus mutatione in hæc sympto-mata incidunt. Nempe, vigilias, moerorem, delirium, aurium flatus sonoros, extimarum partium refrigerationem & urinas crudas. &c. Post duos dies concedi potest panatella sydenhamii, quæ sic com-ponitur, cape cornu cervi & micæ panis albißimi drach. duas coque in aquæ fontanæ libris duabus aut tribus, postea sufficienti quantitate sacchari albißimi edulcoretur. Panatella illa majorem ma-teriæ alibilis quantitatem continet ptisana Hipp. potest igitur in illo morbi periodo adhiberi.

## IV.

Nunc tempus exhibendis alimentis aptius, est tempus intermis-sionis, si intermittit febris; vel remissionis, si remittit tantum. Si tempus intermissionis, vel remissionis sit brevius ut alimentorum coctio perfici possit, ante primam exacerbationem, tunc sub fine exacerbationis propinanda sunt alimenta, ut coctio perficiatur ante primam exacerbationem; ubi brevior timetur remissio inquit thri-verius, (2) in ipsa declinatione licet dare, ut duplici concoctione confecta sint alimenta, priusquam proximus exeat paroxysmus. At tamen si nihil vetat, hora in qua æger dum sanus erat, alimenta capiebat, eligenda est. Natura enim, quamvis morbo laceßita, non omnino à perennibus suis motibus aberrat. Sed si exacerbatio in illud tempus incidit, eligenda est hora, in qua æger quietior est. Si in eodem die accessiones complures hominem adorianur, post gravio-rem, præcipue alendum. tempus exacerbationis, in alimento-rum exhibitione, imprimis evitandum est. Cur vero, inquit prosper Martia-  
us, (3) in omnibus exacerbationibus, alimentum subtra-  
here expediat, ratio est manifesta; quia natura à violentia exacer-  
bationis irritata, vexataque à superveniente alimento, ita obruitur  
ut facilius in exacerbatione superetur à morbo. Hurnius (4) eam-  
dem fere rationem reddit, cur incipiente paroxismo, cibus sub-  
trahendus sit. Nam apponere, inquit, noxa est, eo enim tempore  
reflui sunt cuncti succi ad centrum corporis, unde opprimitur,  
anxia fit respiratio, ac alvina regio ab impuris succis incurritur, si

(1) Hollerius. comm. in primam secti aphor. Hipp. pag. 15.

(2) Thriv. comm. in lib. Hipp. de Rat. vic. in acut. pag. 38.

(3) Prosp. Mart. com. in sec. primam aphor. Hipp. pag. 299.

(4) Hurni. comm. sup. aphor. 11. sect. 1.



cibum tunc dederis, in impuritatem illa abit, ac distento hypochondrio opprimitur pectus, unde anxiosa respiratio ac calor cordis major. Erasistrates, quando venter & corpus exinaniebantur, tunc cibum dabat. At tamen aliquoties in exacerbatione alimenta exhibere necessarium est v. g. picrocollis. Sæpe enim in exacerbationis insultu, bilis in eorum-ventriculo infunditur; & propter ea in animi deliquium incidunt. In illo casu melius est aliquid offerre, v. g. bucella panis, succo granatorum imprægnata offerri potest. Si in principio accessionis, inquit Martianus, (1) aliquando aliquid dare cogimur, minus lædetur æger aliqua re solidiori, quam à potu. Hippocrates, (2) vetat quoque exhibitionem alimentorum, dum pedes frigidi sunt. Cum quidem pedes frigidi fuerint, inquit, inhibere oportet forbitionis, exhibitionem, maxime vero à potu abstinendum est. Ubi vero calor descenderit ad pedes, tunc exhibere convenit. Celsus, (3) regulam omni puncto absolutam, ut mihi videtur præscripsit. En ejus verba, scire licet, inquit optimum cibo tempus esse, febre finita, deinde cum decessio ejus consistit. Tertium, si necesse est, quodcumque decedit, cætera omnia periculosa esse. Si tamen propter infirmitatem, necessitas urget, satius esse instante quam incipiente. Cum eodem tamen ut nullo tempore, is qui deficit, non fit <sup>on</sup> sustinendus.

## V.

Venit nunc tractandum, quoties alimenta concedi possunt in una die, hic consuetudini ægrotantis attendendum est. Qui bis in die cibum capere solidi ait Hippocrates (4) eis bis danda est; qui vero semel edere consueverunt, his semel primo die danda est; verum sensim progressu facto, si fieri poterit etiam his bis datur, si sane opus habere visum fuerit. Non hic intelligendum esse ut mihi videtur, adjiciendum esse cibi quantitatem, sed cibationem alteram. Ut v. g. si quis semel octo uncias capiebat, in duas cibationes quatuor uncias tantum capiat. Multo facilius enim digestio perficitur. Cum contra alimentorum maxima quantitas semel hausta; vires obruat. Eodem modo fere commentatur locum Hippocratis superius citatum Prosper Martianus (5) jubet inquit statim à morbi principio, servandam esse consuetudinem, eam semel tantum modo exhibendo, inde vero bis etiam dari, si opus esse videatur; additione

(1) Prosp. Mart. com. de Rat. vic. acut. sect. 1. pag. 263.

(2) Hipp. de Rat. vict. in morb. acut. pag. 419.

(3) Celsus. lib. 3. cap. 2. sect. 2. pag. 113.

(4) Lib. de vic. rat. in morb. acut. pag. 418.

(5) Prosp. Martian. comm. de Rat. vict. acut. sect. 1. pag. 262.



paulatim facta, ita ut, cum primo bis ea dari incipit, modica exhibeatur, & non admodum crassa. Inde vero quantitas augeatur; ea servata moderatione, ne multam & crassam exhibentes à consueta diæta recedamus nimis: aut in minima quantitate propinantes, stomacho inanitionem inducamus. Sed si quis quater vel etiam sæpius cibare consueverat, ad duas vel tres cibationes ad summum eum reducere necessarium est. Nam cum tam sæpe alimenta propinantur, natura tota digestionem incumbit, & coctioni materiæ morficæ vacare non potest. Et sic progressu temporis, omnia in pejus ruunt. Et tandem vires ægri vi morbi & digestionem continua læssitæ, æger moritur. At tamen huic regulæ, est aduc quædam exceptio. Ægris enim, qui maxima respirandi difficultate laborantur, parca alimentorum quantitas semel, sed repetitis vicibus propinanda est. At plerumque duæ vel tres cibationes sufficiunt. Et semper observandum est in exhibitione ut supra dixi, vel tempus remissionis vel intermissionis. Vel tempus in quo omnia sunt placidiora. At tamen si exacerbatio violenta, per viginti vel viginti duas horas protrahebatur, satius esset semel tantum cibum concedere nempe in remissione; etiam si remissio per noctem incideret: quamvis tempus illud exhibitioni alimentorum sit omnium minus aptum.

## VI.

Tanta est potuum copia & varietas, ut omnes enumerare fastidiosum esset. Quosdam ex magis usitatis indicare sat erit. Aqua cruda est potus omnibus hominibus communis, & ubique reperitur. Aqua acute fabricitantibus concedi potest, modo facile vel per transpirationem, vel per urinas transeat. At multis subigi non potest, stomachum gravat, & materiæ morficæ concoctioni officit. Tunc non est exhibenda. Principium & incrementum febris in exhibenda aqua cavere oportet, ait ætius, sed totius morbi, particularisque exacerbationis vigorem diligere. Ergo etiam quo hæc ista fiant facilius atque impensius provocare etiam bibendi cupiditatem oportet, cum æger admodum exarserit, avidusque ostensum pellucido in vase fontem concupiverit, eo primum aliquantis per denegato, donec anhelus toto corpore, totoque animo in aquam inhiaverit, tandem quantum haurire fontis valet, permittatur, ad ipsam usque salietatem. Dein stragulis diligenter intecto corpore sudor oritur. In illo casu ut remedium, non vero ut potus conceditur. Potus acidulati succo mali punici, aut limonis, aut citrei, aut omphacii, aut ribium aut oxallidis, multas sane indicationes adimplent, sitim enim sedant, refrigerant, putrefactioni resistunt. At usus acidorum protractus stomachum lædit, & consequenter digestionem officit. In eorum exhibitione igitur cautum esse oportet. Aqua hordei & oryzæ adhiberi potest, subdulcis est &



mucilaginosa. Hydromel & oximel antiqui propinabant. Quidam ex Neotericis hunc potum reformidant. Quæcumque pocula mellita sunt ait Lommius, (1) quia calefaciunt ac prompte bilescunt inimica sunt. At tamen Dom. De Haën (2) aquam hordei vel avenæ cum melle commendat. Continua novi ejus liquidi ad mitione, inquit præpedimus corruptionem humorum, ita ut in nosocomio nostro fere ignoremus pethechias, ac miliaria quæ alioqui morbos acutos in iis regionibus tam frequenter subsequuntur. Præcaveturque egregie molestus in morbis sive vomitus, sive alvi fluor, acri quod hocce generaret, correcto, abluto expresso. &c. Serum quoque lactis, vel lac cum aqua mixtum (nomine hydrogalæ cognoscitur) administrari possunt. Ex prædictis apparet potus acidulatos, aquam hordei & orisæ, serum lactis, esse potus in acutis aptiores. Nulla regula generalis ad eorum exhibitionem assignari potest. Observandum est tamen nunquam in exacerbationis initio dandum esse potum. Si æger intense sitiat, sitim suam fallere potest aurantii corticem, vel caryophyllum masticando.

(1) Lomm. de curand. febr. pag. 88.

(2) De Haën Rat. medendi tom. 1. pag. 7.

FINIS.

DISPUTATORI.

R. R. D. D. PROFESSORES REGII.

R. D. JOANNES-FRANCISCUS IMBERT, *Cancellarius & Judex.*  
 R. D. PAULUS-JOSEPHUS BARTHEZ, *Cancellarius & Judex Adjunctus.*  
 R. D. FRANCISCUS DE LAMURE, *Decanus.*  
 R. D. GABRIEL-FRANCISCUS VENEL.  
 R. D. CAROLUS LE ROY.  
 R. D. GASPARD-JOANNES RENÉ.  
 R. D. ANTONIUS GOUAN.  
 R. D. FRANCISCUS BROUSSONET.

R. D. HENRICUS HAGUENOT, *Decanus Professor Emeritus.*

MONSPELII, apud AUGUSTINUM-FRANCISCUM ROCHARD, Regis & Universitatis Medicinæ Typographum unicum. 1775.